



ALLAKKIAQ

Ulloq: 10. august 2013
J.nr.: 20.21.04/06-00006

Inatsisartut illorsuartaarnissaannik suliap killiffia pillugu allakkiaq

1. Tusarniaaneq

Inatsisartut illorsuartaarnissaannik pilersaarutit ingerlateqqinneqarnissaannik Siulittaasoqarfiup tunngaviusumik aalajangiineranut isummersoqqullugit partiit 22. juni 2013-imi allakkatigut qinnuigineqarput. Tassunga ilanngullugu oqallinnissamut tunngavissiaq 6. juni 2013-imeersoq Siulittaasoqarfiup aalajangerneranut tunngaviusoq partiinut nassiunneqarpoq.

Suliassamut aammalu suliap ingerlateqqinnissaanut akuersaarnertik Siumup Inuit Ataqtigiillu 26. aamma 25. juli 2013-imi allakkatigut nalunaarutigaat. Partiit sinneri ulloq manna tikillugu akissuteqanngillat. Partiilli siulittaasuisa siusinnerusukkut oqariartuutaat tunngavigalugit taakku suliassamut aamma akuersaarnerat ilimagineqarsinnaavoq.

Taamaalillunilu suliassap ingerlateqqinneqarnissaa naalackersuineramik suliagartunit tapersorsorluarneqartoq isumaqarnarpoq.

2. Allaffissornikkut oqallinnerit

Siulittaasoqarfiup tunngaviusumik aalajangiinera tunngavigalugu suliap ingerlateqqinnissaani teknikikkut siunnersorneqarnissaq siunertaralugu Allattoqarfik Ineqarnermut, Pinngortitamut Avatangiisinullu Naalackersuisoqarfiup sinniisuinik ataatsimeeqateqarpoq. Suliassap suliarineqarnerani assut ikiuukkusulluni Naalackersuisoqarfik v/Aqutsisoqarfimmut pisortaq Olafur P. Nielsen aqquutigalugu nalunaarpoq.

Kiisalu Naalackersuisut Siulittaasuata Naalackersuisoqarfianut pisortartaaq suliag pillugu pisortatiguunngitsumik ilisimatinneqarpoq.

Allaffissornikkut oqallinnerit tunngavigalugit paasineqarpoq qitiusumik allaffeqarfissuarmi illutanut tunngasumik Naalackersuisut pilersaarutaat suli erseqqinngitsut. Illutat piusut sivisunerusumik piusinnaasunngorsarneqarnissaat Naalackersuisunit kissaatigineqarsorinarpoq, tamannali paasisat malillugit suli aalajangiunneqarani. Sanaartugassamut nunaminertamik pissarsinissamut pingaaruteqarsinnaammat tamatuma piaartumik paasinarsisinneqarnissaa pisariaqartinneqarpoq.

3. Suliap ingerlaqqinnissaa kiisalu inassuteqaatit

Sanaartugassap naalackersuinikkut suliarineqarnerani naatsorsuutigisat uku isummernissamut tunngavissiami 6. juni 2013-imeersumi allassimapput:

11.1 Naalackersuineramik suliagarnermi ineriartorneq

Pilersaarutip ingerlatseqqinnissaa Siulittaasoqarfimmit kissaateqassappat, naalakkersuinikkut aalajangiussiniarnermi pilersaarusiaq torrutiinnarlugu assersuutigalugu imatut isikkoqarsinnaavoq:

1. *Siulittaasoqarfimmi tunngaviusumik oqallisiginnineq*
2. *Allanik soqutiginnittunik partiinik naalakkersuineramik suliaqartunik Naalakkersuisunillu peqataatsineq.*
3. *Pilersaarutip ilusilersorneqarnissaa eqqarsaatigalugu sanaartornermi siunnersortimik assersuutigalugu suliffeqarfimmik sanaartornermi siunnersuisartumik TNT-mik akuutitsilerneq.*
4. *Inatsisartuni tunngaviusumik aalajangiussineq, tassunga ilanngullugu aningaasaleeriaatsimik atorneqartussamik aalajangiussineq kiisalu naalakkersuinikkut pissutsinik qulaajaaneq.*
5. *Aaqqissuullugu pilersaarusiamik inaarlugu suliaqarneq,*
6. *Inatsisartuni inaarutaasumik aalajangiineq.*
7. *Sanaartortitsinerup aallarnisarnera malittuanillu atorneqalerneru.*

Siulittaasoqarfiup isumaliutigisai pillugit Naalakkersuisut Siulittaasuat siusinnerusukkut nalinginnaasumik ilisimatineqarpoq. Taamaattumillu suliassap ingerlateqqinnissaani Naalakkersuisut akuliutsinneqarnissaannut kiisalu siuliani imm. 2 aamma 3 naapertorlugit suliassap teknikumut tunngasortaasa piukkunnarsarneqarnissaannut annertunerusumillu nassuiarneqarnissaannut piffissanngorpoq.

Ineqarnermut, Pinngortitamut Avatangiisinullu Naalakkersuisoqarfimmik ataatsimeeqateqarneq tunngavigalugu suliaq pillugu Allattoqarfiup siunnersortimik avataaneersumik isumaqatigiissuteqarnissaa kaammattuutigineqarpoq. Makku isumaqatigiissuteqarfigneqarnissaat Naalakkersuisoqarfimmit kaammattuutigineqarpoq:

*Sanaartortitsisunut siunnersorti: TNT Tegnestue v/Flemming Berger
Illussanik titartaasartoq siunnersorti: Qarsoq tegnestue Aps.
Ingeniøri siunnersorti: Inuplan.
Eqqartuussissuserisoq: Niels Hansen-Damm, Adv. Firmaet Malling.*

Kiisallu suliassap piareersarneqarlunilu ineriartortinneqarnissaanut aningaasanut inatsimmi aningaasaliissuteqarnissaq piaartumik qinnutigineqassasoq kaammattuutigineqarpoq. Taakku maanna 1,5 mio. kr.-inut missingikannerneqarsinnaapput.

Suliassap 100 mio. kr.-it ataatlaarlugit taamaallaat akeqarnissaa aallaqqaammut aalajangiuisimaneqarpallaassanngitsaq kaammattuutigineqassaaq.

Sanaartugassatut pilersaarutip inaarutaasumik ilusilersorneqarnissaa siunertaralugu illussanik titartaasartunik kingusinnerusukkut unammisitsinissaq naatsorsuutigineqarpoq. Siunnersortit siuliani allassimasut unammisitsinermut tassunga taartaassanngillat, taassumali pilersaarusiorneqarlunilu ingerlanneqarneranut peqataassallutik.

Inassutigineqarpoq,

- Suliassap ineriartortinneqarnissaa pillugu isumaqatigiissuteqarnissaq siunertaralugu avataaneersut siuliani allassimasut Allattoqarfimmit attavigineqassasut,
- Tunngavissaq taamanikkussamut pigineqartoq tunngavigalugu suliassap ingerlateqqinneqarnissaa pillugu Inatsisartut aalajangiiffigisassaattut siunnersuummik Siulittaasoqarfik UKA13-imut saqqummiussissasoq. Siunnersuummi allassimassaaq 2014-imut aningaasanut inatsisissatut siunnersuummut allannguutissatut siunnersuummik saqqummiussinissaq Inatsisartunit taperserneqartoq, taamaaliornikkut

suliassap ineriartorteqqinneqarnissaanut aningaasanik 1,5 mio. kr.-inik 2014-imi aningaasanut inatsimmi immikkoortitsisoqarsinnaaqullugu,

- Suliassami soqutigisaqartutut Naalakkersuisut akuliutsinneqarnissaat siunertaralugu Inatsisartut Siulittaasuat Siulittaasoqarfik sinnerlugu Naalakkersuisunut pisortatigoortumik attaveqassasoq. Tamatuma kingorna suliassap allaffissornikkut aqunneqarnissaanut sinaakktissat erseqqinnerusut isumaqatigiissutigineqarnissaat aammalu sanaartorfissap sumiinnissaanik paasiniaanissaq aallartinneqassasoq naatsorsuutigineqarpoq.

Ellen Kolby Chemnitz
Inatsisartut Allattaanerat

/

Nikolai Sten Christensen
Allattoqarfiup pisortaa